

ptim evolat in sinum Dei , spirituum cætus perlustrat , orbem universum pervadit , objecta immaterialia , incorporea , sensibus impervia percipit , puta virtutis honestatem , vitii fæditatem , & justitiae regulas , numerorum habitudines & proportiones , sensuum ipsorum errores , ignorantiae turpitudinem , scientiarum utilitatem ac decus , est vere ac proprie spiritus , non materia ; qui enim intelligi potest substantiam corporream atque inertem in spatia immensa unico temporis punto transferri , res immateriales nostrisque sensationibus minime obnoxias percipere ? atqui hominis anima est substantia hujusmodi , ut cuilibet constat intimo conscientiae testimonio , ergo mens humana est vere & proprie spiritus .

Prob. 4. Sensationum nostrarum varietas , uniformitas , molestæ sensations in nobis etiam invitis excitatae , voluntatis imperium in plurimos sensationum effectus , hec omnia conscientiae nostræ testimonia certo demonstrant non solum objecta extra nos , extra mentem ipsam existere , sed etiam objecta illa , menteunque nostram essentialiter differre manifeste ostendunt . Et quidem si mens nostra ab ipso corpore non differret , nulla unquam esse posset illa , quam tamen in nobis sæpe experimur , inter sensationum effectus ipsamque voluntatem discordia & mutua veluti pugna . Objectorum externorum effectus in anima productos , nisi anima spiritualis sit , nulla ratione intelligi posse evidens est . Fingamus animam esse materialem , objecta externa nullam aliam menti nostræ mutationem afferre